



Broj: 05.01-04-49840/25
Sarajevo, 29.10.2025.godine

SKUPŠTINA KANTONA SARAJEVO

- o v d j e -

n/r Elvedin Okerić, predsjedavajući

PREDMET: Odgovor na zastupničko pitanje, dostavlja se

Zastupnica Marijela Hašimbegović na 25. radnoj sjednici Skupštine Kantona Sarajevo, održanoj dana 15.10.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa čl. 211. i 214. Poslovnika Skupštine Kantona Sarajevo postavila je sljedeće zastupničko **pitanje**:

Upućujem inicijativu radi pokretanja projekta izrade Registra kućnih ložišta u Kantonu Sarajevo. Svrha izrade Registra je prikupljanje podataka o vrstama energenata i načinu korištenja kućnih ložišta. Ova baza podataka predstavlja preduslov za kvalitetno planiranje mjera za unapređenje kvaliteta zraka i smanjenje emisija zagađujućih materija u Kantonu Sarajevo. Informacije o ložištima, vrstama goriva i načinima grijanja su neophodni ulazni podaci za kreiranje budžeta i realne projekcije potreba radi planiranja mjera energetske efikasnosti i zaštite okoliša. Prikupljeni podaci bit će korišteni isključivo u svrhu izrade Registra. Zadužuje se Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo za sprovedbu ove aktivnosti.

Odgovor :

Povodom upućene Inicijative, koja je zaprimljena u Ministarstvu dana 20.10.2025. godine, obavještavamo o sljedećem:

Registar kućnih ložišta u Kantonu Sarajevo, urađen je u GIS formatu u okviru **Strategije ograničenja korištenja uglja i ostalih čvrstih goriva u Kantonu Sarajevo za period 2023–2033. godine**, koju je Skupština Kantona Sarajevo usvojila 28.5.2024.godine („Sl. novine Kantona Sarajevo broj: 22/24). Tom prilikom izvršena je identifikacija individualnih ložišta koja koriste

čvrsta goriva, kao i kvantifikacija njihovog doprinosa emisijama na godišnjem nivou i uticaju na kvalitet zraka u Kantonu Sarajevo.

Izrađen je popis individualnih ložišta koja koriste čvrsta goriva, te je u okviru informacionog sistema zaštite kvaliteta zraka u Kantonu Sarajevo instalisanom na Digitalnoj platformi Kantona Sarajevo uspostavljen **Registar pojedinačnih izvora emisija u zrak**.

Utvrđena je obaveza redovnog ažuriranja navedenog Registra, pri čemu je, kroz realizaciju projekta „Uređenje dimnjačarskog sektora u Kantonu Sarajevo“, koji Ministarstvo realizuje u saradnji sa UNDP-om, predviđeno osposobljavanje dimnjačara za unos i ažuriranje podataka u registar.

S poštovanjem,

Pripremio: Vernes Briga, stručni savjetnik za zaštitu zraka
kontrolisala: Zijada Krvavac, pomoćnik ministra, u Centru za upravljanje kvalitetom zraka

MINISTAR

Mladen Pandurević

Dostaviti:

- Naslovu
- Služba za skupštinske poslove Kantona Sarajevo
- Stručnoj službi Vlade Kantona Sarajevo
- Koordinator za izradu odgovora na zastupnička pitanja
- a/a